

P R O G R A M R A D A

**KOORDINACIONOG ODBORA CENTRALNIH HARMONIZACIJSKIH
JEDINICA U BOSNI I HERCEGOVINI**

ZA 2019. GODINU

NOVEMBAR 2018. godine

SADRŽAJ

1. UVOD.....	3
2. RAD KO CJH U 2018. GODINI.....	4
3. PROGRAM RADA KO CJH ZA 2019. GODINU.....	5
3.1. Aktivnosti KO CJH iz oblasti interne revizije.....	5
3.2. Aktivnosti KO CJH iz oblasti finansijskog upravljanja i kontrole.....	6
4. ODRŽAVANJE SJEDNICA KO CHJ U 2019. GODINI.....	7

1. UVOD

Na osnovu čl. 2. stav (13) i 28. stav (2) Zakona o internoj reviziji institucija Bosne i Hercegovine ("Službeni glasnik BiH", broj: 27/08 i 32/12), člana 6. Zakona o internoj reviziji u javnom sektoru Federacije Bosne i Hercegovine ("Službene novine Federacije BiH", broj: 47/08 i 101/16) i člana 6. Odluke Narodne skupštine Republike Srpske, broj: 01-1012/10 ("Službeni glasnik RS", broj: 72/10) uspostavljen je Koordinacioni odbor centralnih jedinica za harmonizaciju (u daljem tekstu: KO CJH).

KO CJH čine tri člana:

- a) Rukovodilac CJH Ministarstva finansija i trezora BiH,
- b) Rukovodilac CHJ Federalnog ministarstva finansija i
- c) Rukovodilac CJH Ministarstva finansija Republike Srpske.

Poslovnikom o radu KO CJH (u daljem tekstu: Poslovnik o radu), koji je usvojen na sjednici KO CJH održanoj u Banjoj Luci, 24.01.2011. godine, bliže su uređene nadležnosti, funkcioniranje i organizacija KO CJH.

KO CJH je osnovan sa zadatkom odobravanja okvirnih propisa iz područja javne interne finansijske kontrole, sa ciljem njihovog usaglašavanja sa međunarodno priznatim principima upravljanja i standardima javne interne finansijske kontrole na nivou cijele BiH, koji će služiti kao polazna osnova svakog nivoa vlasti u izradi i usvajanju njihovih vlastitih propisa iz područja javne interne finansijske kontrole.

U ostvarivanju svojih ovlaštenja i odgovornosti iz područja javne interne finansijske kontrole, KO CJH odobrava:

- a) okvirnu strategiju razvoja funkcije interne revizije u javnom sektoru BiH,
- b) okvire primarne i sekundarne regulative iz područja interne revizije i finansijskog upravljanja i kontrole,
- c) standarde i kodeks etike interne revizije i interne kontrole, koji su zasnovani na međunarodno priznatim standardima,
- d) okvirne smjernice i metodologiju rada za područje interne revizije, koje su zasnovane na dobrim praksama drugih zemalja,
- e) okvirni program obuke za certifikaciju internih revizora i program za polaganje u cilju sticanja zvanja ovlaštenog internog revizora.

2. RAD KO CJH U 2018. GODINI

KO CJH je tokom 2018. godine realizovao aktivnosti planirane Programom rada za 2018. godinu, a zaključno sa novembrom 2018. godine održano ukupno pet redovnih sjednica i jednu vanrednu sjednicu.

KO CJH je usvojio Programa rada za 2018. godinu i donio Odluku o budžetu KO CJH za 2018. godinu.

Programom rada KO CJH za 2018. godinu planirno je da se on provodi u skladu sa važećim propisima iz oblasti javnih internih finansijskih kontrola na svim nivoima vlasti (BiH, FBiH i RS), kao i u skladu sa strateškim dokumentima i akcionim planovima u kojima su utvrđene aktivnosti i prioriteti centralnih harmonizacijskih jedinica vezani za njihovu operativnu realizaciju. Takođe, programom rada planira se unapređenje i harmonizacija sistema upravljačke odgovornosti i sistema unutrašnjih kontrola u skladu sa preporukama Generalne direkcije za budžet EK i SIGMA-e.

Ključna odrednica Programa rada za 2018. godinu zasnovala se na pretpostavci da će početkom 2018. godine početi realizacija projekta podrške uvođenju i razvoju PIFC-a, koji finansira Evropska komisija putem programa IPA II. Naime, KO CJH je već ranije usaglasio projektni zadatak za realizaciju ovog projekta, a značajan dio aktivnosti rada KO CJH u 2018. je planiran pod pretpostavkama da će tokom 2018. godine doći do realizacije aktivnosti koje su planirane u Projektu, te da će KO CJH, u skladu sa svojim mandatom, pružati podršku projektu i usvajati okvirne dokumente iz oblasti interne revizije i finansijskog upravljanja i kontrole.

Početkom 2018. godine realizovane su ranije Odluke o štampanju i distribuciji Međunarodnih standarda profesionalne prakse.

Krajem januara 2018. godine KO CJH je usaglasio projektni prijedlog o unapređenju PIFC-a, kojim je konkurisao preko Kancelarije Svjetske banke za njegovu realizaciju preko SAFE fonda.

Prema Programu rada KO CJH za 2018. godinu organizovana je i održana 22.05.2018. godine jednodnevna konferencija iz oblasti interne revizije pod nazivom „Saradnja interne revizije i vrhovnih institucija i revizija učinka u javnom sektoru“.

Usaglašeno je održavanje dvodnevne konferencije iz oblasti finansijskog upravljanja i kontrole, koja će se održati početkom decembra, a planirano je učešće 300 učesnika sa svih nivoa vlasti.

S obzirom na činjenicu da je došlo do obnavljanja procedure izbora implementarora za projekat „Unapređenje PIFC-a u BiH“, te da je došlo do značajnijeg kašnjenja početka Projekta, KO CJH je usaglasio korekcije Projektnog zadatka i imenovao predstavnika KO CJH u sastavu Komisije za evaluaciju ponuda.

3. PROGRAM RADA KO CJH ZA 2019. GODINU

Donošenje godišnjeg programa rada propisano je članom 4. Poslovnika o radu KO CJH s ciljem efikasnog i odgovornog ostvarivanja svojih nadležnosti. Program rada sadrži najznačajnije aktivnosti i zadatke koje KO CJH realizuje tokom godine.

Program rada KO CJH za 2019. godinu planira se i provodi u skladu sa važećim propisima iz oblasti javnih internih finansijskih kontrola na svim nivoima vlasti (BiH, FBiH i RS), kao i u skladu sa strateškim dokumentima i akcionim planovima u kojima su utvrđene aktivnosti i prioriteti centralnih harmonizacijskih jedinica vezani za njihovu operativnu realizaciju. Takođe, programom rada planira se unapređenje i harmonizacija sistema upravljačke odgovornosti i sistema unutrašnjih kontrola u skladu sa preporukama Generalne direkcije za budžet EK i SIGMA-e.

S obzirom na činjenicu da je u 2019. godini već ugovorena realizacija projekta podrške uvođenju i razvoju PIFC-a, koji finansira Evropska komisija putem programa IPA II, a da je KO CJH usaglasio projektni zadatak za realizaciju ovog projekta, te da je u toku verifikacija Početnog izvještaja po Projektu, najveći broj aktivnosti KO CJH u 2019. godini biće vezan upravo za aktivnosti planirane u Projektu.

Pored toga, KO CJH će u 2019. godini organizovati dvije konferencije, i to u prvoj polovini 2019. godinu konferenciju iz oblasti interne revizije, a u drugoj polovini godine konferenciju iz oblasti finansijskog upravljanja i kontrole. Termini i sadržaj planiranih konferencija će se uskladiti sa terminima planiranih obuka koje će realizovati Projekat. Shodno navedenom, u skladu sa datim nadležnostima, KO CHJ u 2019. godini planira realizaciju sljedećih aktivnosti:

Prva aktivnost u vezi sa realizacijom Projekta, koja je istovremeno i u mandatu KOCJH, biće usvajanje okvirnog sadržaja strateških dokumenata PIFC-a za period 2019. - 2025, čija je izrada za institucije BiH, za Federaciju BiH i za Republiku Srpsku planirana za kraj 2018. i početak 2019. godine.

Aktivnosti KO CJH iz oblasti interne revizije i finansijskog upravljanja i kontrole zavisice od planirane dinamike realizovanja aktivnosti Projekta, koje su specificirane kroz četiri komponente Projekta, a koje su detaljnije razrađene kroz Strategiju i Početni izvještaj Projekta.

3.1. Aktivnosti KO CJH iz oblasti interne revizije

Aktivnosti KO CJH iz oblasti interne revizije u 2019. godine će se fokusirati na sledeće:

- Razmatarnje analize postojećih zakonskih i podzakonskih akata koje će izvršiti konsultanti na Projektu, te usaglašavanje okvirnih dokumenata u vezi sa eventualnim izmjenama zakonodavnog okvira iz oblasti interne revizije;

- Donošenje odluke o okvirnim smjernicama za inoviranje metodologije rada za oblast interne revizije, na osnovu analiza koje će izvršiti konsultanti Projekta;
- Priprema i donošenje odluke o prihvatanju okvirnih dokumenata, odnosno okvirne metodologije za oblast kontrole kvaliteta interne revizije, a koje će konsultanti Projekta dostaviti KO CJH;
- Priprema i donošenje odluke o prihvatanju okvirnih dokumenata, odnosno okvirne metodologije i aplikativnog rješenja za oblast unaprijeđenja sistema izvještavanja o internoj reviziji, a koje će konsultanti Projekta dostaviti KO CJH;
- Organizacija edukacije internih revizora organizovanjem konferencije iz oblasti interne revizije.

3.2. Aktivnosti KO CJH iz oblasti finansijskog upravljanja i kontrole

Aktivnosti KO CJH iz oblasti finansijskog upravljanja i kontrole u 2019. godine će se fokusirati na sledeće:

- Razmatranje analize postojećih zakonskih i podzakonskih akata koje će izvršiti konsultanti na Projektu, te usaglašavanje okvirnih dokumenata u vezi sa eventualnim izmjenama zakonodavnog okvira iz oblasti finansijskog upravljanja i kontrole;
- Donošenje odluke o okvirnim smjernicama za oblast finansijskog upravljanja i kontrole sa posebnim akcentom na smjernice za upravljačku odgovornost, na osnovu analiza i prijedloga koje će konsultanti Projekta dostaviti na razmatranje KO CJH;
- Priprema i donošenje odluke o prihvatanju okvirnih dokumenata, odnosno okvirne metodologije za oblast izvještavanja, samoprocjene i kontrole kvaliteta za oblast finansijskog upravljanja i kontrole, koje će konsultanti Projekta dostaviti na razmatranje KO CJH;
- Organizacija edukacije iz oblasti finansijskog upravljanja i kontrole organizovanjem konferencije iz oblasti finansijskog upravljanja i kontrole.

4. ODRŽAVANJE SJEDNICA KO CHJ U 2018. GODINI

U skladu sa članom 8. st. (1) i (4) Poslovnika o radu, sjednice KO CHJ će se održavati najmanje jednom mjesečno, naizmjenično, dvije u Sarajevu i jedna u Banjaluci.

Planirani okvirni termini održavanja sjednica KO CJH, za period januar – decembar 2019:

REDNI BROJ SJEDNICE	DATUM ODRŽAVANJA SJEDNICE	MJESTO ODRŽAVANJA SJEDNICE
1.	Januar 2019.	Banja Luka
2.	Februar 2019.	Sarajevo
3.	Mart 2019.	Sarajevo
4.	April 2019.	Banja Luka
5.	Maj 2019.	Sarajevo
6.	Juni 2019.	Sarajevo
7.	Juli 2019.	Banja Luka
8.	Avgust 2019.	Sarajevo
9.	Septembar 2019.	Sarajevo
10.	Oktobar 2019.	Banja Luka
11.	Novembar 2019.	Sarajevo
12.	Decembar 2019.	Sarajevo

Broj: 6/2018

Sarajevo, 09. 11. 2018. godine

PREDSJEDAVAJUĆI KO CJH

Ranko Sakota